

STORACLES OF PROPHECY

A Hong Pai Kumpipa

2 Kumpite 11:1-21

Ta-ang Thu . . .

Hehpihna neilo Judah kumpinu Athaliah pen, anu Jezebel sangin nakpi takin gilo zawlai hi. Atapa Ahaziah asih khitciangin, kumpi gam aman ukpah a, ama dinmun laih thei dinga aup atuteng khempeuh that ma-ang pahpah hi. "Ahih hangin Ahaziah sanggamnu Jehosheba in Ahaziah tapa Joash pen Athaliah thah khak loh dingin selcip hi. Tua bangin akisel cipna Topa inn sungah kum guk sawt hi. Gam khempeuh ah Athaliah in ukna nei hi" 2 kumpite 11:2, 3.



Tua kum guk sung tengin khut sunga humzawh ding zah mi tawmcik bekin kumpipa tapa Topa inn sungah kisel hi cih thei bek uh hi. Siampipa Jehoiada in Joash pen ama ta bangin it-in, thuhilh iin pantah hi. Tua kum guk sung tengin Jehoiada in thungen iin, bangci bangin mipite muhna ah kumpi dingin ap ding ka hiam? ci-in gel hi. Atawpna ah Siampipa in mi muanhuai mahmah galkap mangpa kiangah Kumpipa Ahaziah tapa khat damlai ahihna genkhia hi. Amaute in thu-um mi khempeuh hong kikhop ding (Friday) nitaak dong ngak-in, Sabbath ni kikhawm-a hong pai te tungah kumpi dingin lak dingin khensat uh hi. Galkap a za-a sim tampi te umcihna munah Jehoiada in David tokhom tunga tu dingin kumpi lukhu khususin hong paipih hi. Atuungin mihonpote in lamdang sa mahmah uh hi.

Ahih hangin kumpi lukhu khu amuh uh ciangin, "khutbeng iin Pasian in Kumpipa kem taken ci uh hi" 2 Kumpite 11:12.

Athaliah kumpinu in biakinn sunga pengkul tumna, gamlumna atheih ciangin manlang takin hong lut a, ama dinmun-a laih pa kua hi ding hiam cih thei nuam in hong tai hi. Tua ni mahin amah leh anungzuite kithat a, Joash kumpi gam kipia hi.

Laisiangtho in hong gena, David ta te khat in vantung biakinnpi sung pan pengkul te kitum-in a sawt lo-in hong kidawkkhia dinga migilote usia ma-angin Ama kumpi gam hong phut ding hi, ci hi.

AMAZING FACTS

Thu Sinna

Laisiangtho na sim khitciangin a awng munte behlap in.

1. Vantung biakinnpi sung pan a hong kilangh kuanta ding kumpipa in kua hiam?

Mangmuhna 14:14 Ka et leh, akaang vanmeii kamu hi. Tua meii tungah mihing _____ tawh kibang mi khat kham kumpi lukhu alu tungah khu iin _____ hiam tawi in a tu hi.

2. Zeisu hong pai kik ciang simtham takin hong pai ding hiam?

1 Thessalonians 4:16 Pasian' thupiakna awging _____, vantung mi mangpa' thugenna, leh Pasian' _____ hong ging ding a, vantung panin Topa mahmah hong paisuk ding hi

Jeremiah 25:30 A sang vantung panin Topa hong _____ ding a, a ten'na a siangtho panin hong _____ ding hi...

Late 50:3 Eite' Pasian hong pai a, amah _____ ommawk lo hi. Ama mai-ah mei husia om a, a kimkot ah _____ om hi.

Phawk Ding: Huihpi cihpen pingpei kizial bang cihna hi. Zeisu nih veina hong pai ding pen gamlum mahmah ding hicih kitel mahmah hi. Simtham-a hong pai ding hilo hi.

3. Zeisu hong pai kik ciangin muhtheih bang hong piang ding hiam?

Mangmuhna 16:18 Van hong gingin nakpi takin _____ hong ling hi. ... mihing a pian'zawh hihbang _____ omngei nailo hi.

4. Zeisu hong pai kik ciangin kua tengin mu ding hiam?

Matthew 24:30 Tua ciangin Mihing Tapa' lim vantungah hong kilang ding hi. Tua ciangin leitung _____ dahin kap ding uh a, vangliatna leh minthan'na tawh meii lakah Mihing Tapa a hong pai a _____ ding uh hi.

Mangmuhna 1:7 En unTopa in meii tawh hong kumsuk dinga,... _____ in a mu ding uh hi.

Phawk Ding: Hih pen theihkialh ding hilo-a kitel mahmah hi. Migilote leh midikte ahinglai peuh mahin Zeisu hong pai kik mu ciat ding uh hi. Pasian mite kilaak simna, or "rapture" cihte Laisiangtho' hong hihna omlo hi.

5. Zeisu meii tungtuanga hong pai ciang kuate tawh hiding hiam?

Matthew 25:31 Mihing Tapa _____ khempeuh tawh ama minthanna tawh hong pai ciangin, vantung minthanna kumpi tokhom tungah hong tu ding hi.

Phawk Ding: Hydrogen bomb puakkham a, atan' mahmah bangin Topa hong pai kik ciangin taang ding hi. Zeisu' han ah a pai vantungmi khatbek ii vangtaangin, galkapte misi bangin om sak hi (Matthew 28:2-4). Vantungmite vangtaangin Zeisu nih veina hong pai ciangin mi khempeuh tan' mahmah ding hi. Zeisu leh Pa vangliatna khempeuh tawh kigawm lai ding hi (Luke 9:26).

Zeisu nih veina hong kumsuk ding pen khuaphelep in nisuahna lam pan phia-a nitumna dong atan' mah bang hi ding hi (Matthew 24:27).

6. Zeisu hong pai na vangtaangin migilote bangcih ding hiam?

2 Thessalonians 1:7, 8 Vantung panin Topa Zeisu leh a vanglian a vantung mite, meikuang tawh hong kilat ciangin, Pasian a theilo mite, tungah _____ a tungsak ding hi.

2 Thessalonians 2:8 Tua ciangin akiseel a Gilopa akilang ding hi. Tua mi Topa Zeisu in ama kam sungpan apusuak hu tawh siasakin, ahong pai kilatna vangliatna tawh _____ ding hi.

7. Zeisu hong pai ciangin misiangtho a site hong bangci ding uh hiam?

1 Thessalonians 4:16 Khris sungah a sisa mite in a _____ masa dinguh hi.

8. A thokik misiangthote leh a hinglai misiangthote hong bangci ding uh hiam?

1 Corinthians 15:52, 53 Misite a sithei nawnlo dingin hong tho ding a, i vekpi-in i _____ ding hi. ... a sithei pumpi pen a sitheilo pumpi-in hong kikheel ding hi.

Phawk Ding: Pasian simloh asitheilo khat beek omlo hi (1 Timothy 6:15,16). Ahih hangin Zeisu nih veina hong pai ciangin manpiak loh-in midikte tungah kipia ding hi. A pumpite uh zong kikhel-in, a sia theilo pumpi, Zeisu tawh kibang ding uh hi (Philippians 3:20, 21).

9. Kikheel khitciangin midikte tungah bang piang ding hiam?

1 Thessalonians 4:17 Tua ciangin a nungta lai eite pen vankim lai-ah Topa a dawn dingin amah a um a sisa mite tawh hong _____ ding a, Topa tawh i omkhawm tawntung ding hi.

Phawk Ding: Pasian' misiangthote in huih lakah Topa mu ding uh hi. Nih veina hong pai ding pen vankim lai-ah hong kilangh dinga lei hong siik lo ding hi. Tua manin mi tampite up bangin hih leitungah hong vaklo ding hi.

10. Nih veina hong pai nading thu ah Zeisu in ih kidop ding bang hong genkhol hiam?

Matthew 24:5 Mi tampi in, Kei Khrist ka hihi, ci in keima min tawh hong pai iin mi _____ ding uh hi.

Matthew 24:24, 26 Banghang hiam cih leh _____ gen kamsangte leh Khris _____ hong piang ding uha, ateelsate nangawn akhem zawh leh akhem nadingun, lim leh na _____ aliante hong lak ding uh h ... Inndeii sungah aom hi hong cih uh hangin _____ kei un.

Phawk Ding: Satan, Zeisu kineih iin hih leitungah hong paisuk dinga, mi maktul tampite in um ding uh hi. Zeisu in hong kum kik ciangin hih leitung hong siklo dinga, vankim lai-ah hong khawl ding lam hong genkhol khin hi. Satan Zeisu kineih-in a vangtaang tawh hong kumsuk dinga mi atamzaw khem zo ding hi.

11. Khemna ding pan midikte bangin kem ding hiam?

Isaiah 8:20 *Thukham le tecipannate bek ngai un. Amaute in hih kammalte tawh kizui-in a _____ uh leh amau adingin phalvak khuavak a nei lo suak uh hi. (ZIV)*

Phawk Ding: Sawltaakte 17:11 sunga te mah bangin Zeisu hong koici pai ding cih Pasion mite in Pasion Kammal kantel uh ahihman un kikhem zolo ding hi. Laisiangtho sunga gen bang ahilo khempeuh pen, zuaupi ahi hi. Tua manin theikhoh-a ih nial ding Zeisu in hong gen hi.
Matthew 24:25 *En un, tua thu kong genkhol zo hi.*

12. Khrist zuau va en lelleng a poi ding diam?

Matthew 24:26 *Tua ahih ciangn amaute in, Khrist gamlakah aom hi, hong cih uh hangin _____ un.*

13. Zeisu hong kum kik ding hun ih theihtheih bang om hiam?

Matthew 24:36 *Tua ni leh tua hun _____ in thei lo hi. Vantung mite in thei lo uh hi. Pa khat bek in athei hi.*

Matthew 24:33 *Kagensa khempeuh na muh uh ciangin, Mihing Tapa kongbiang dongin hong _____ zo hi ci in nathei ta un.*

Phawk Ding: Pasion bekin nih veina hong pai ding thei hi. A hun ding ciangtanna khempeuh in Laisiangtho tawh kituaklo hi. Ahih hangin Zeisu in lim leh nalamdangte hong pian ciangin (Matthew 24:4-51; Luke 21:8-33; 2 Timothy 3:1-8) Mihing Tapa kong biang dongin hong nai zo hich thei un ci hi.

14. Zeisu hong pai kik ciang vantungmite in bang hih ding uh?

Matthew 24:31 *A vantungmite hong paisakin, leimong khat pan mong khatdongin, a telesa mite a _____ sak ding hi.*

Phawk Ding: (Matthew 18:10) Zeisu hong kum kik ciang nang hong muak masa penpen ding nang hong cing vantungmi hikha ding hi. Bangzah in thupha hi hiam! Laisiangtho in Zeisu hong pai kikna pen "lametna thupha" (Titus 2:13) acih a lamdang hilo hi!

15. Zeisu hong pai madeuh-a nungtate ihhih manin, bangci bangin nungta ding ih hiam?

Matthew 24:44 *Tua ahih ciangin note in zong _____ un, Bang hang hiam naciuh uh leh, na ngaihsut loh laitak un Mihing Tapa hongtung ding hi.*

16. Zeisu hong kum ciang mite koi bangin thaman kipia ding?

Mangmuhna 22:12 *En in, kei a manlang iin ka hongpai ding hi. Mi khempeuh a _____ nate uh tawh _____ pia dingin thaman ka hongpua hi.*

Phawk Ding: Hehiphna tawh gupna kingah ding hi, ahih hangin thaman pen gamtatna tungtawnin kingah hi. Mihingte hoihna hang hilo hi (Matthew 7:21-23).

17. Zeisu hong kum ciang migilote in bang gen ding uh hiam?

Mangmuhna 6:15-17 *Tua ciangin leitung kumpite leh miliante, galkapmangte, mihaute leh mi vangliante, ... mualtunga leihawmte sungah bu uh a, mualte leh suangtum lianpite kiangah, "Kote tungah hong kiasuk un la, tokhom tungah a tupa' maitang leh Tuuno' hehna panin kote hong liah*

un. Amaute' hehna hangin gimna hun hong tungta ahih manin _____ in _____ zo ding ahi hiam?"

Phawk Ding: Hih anunung zinling lauhuai hun sungin, migilote lau-in ling ding uh hi. Upna neilopi-a Zeisu adawn sangun, suangtumte mencimte vuh ma-ang ding utzaw ding uh hi.

18. Zeisu hong kilat ciang midikte in bang gen ding uh hiam?

Isaiah 25:9 *En-un, amah in eima Pasion hi; eite honghon dingin amah ih ngak hi. Amah in eima Topa hi, _____ in eite _____ ahihmanin lungdam iin kipakni, kici ding uhhi.*

19. Zeisu hong pai kikna ii ngimna bulpi in bang hiam?

John 14:3 *No kiangah kong paikik dinga, ka omna munah na om nadingun ka _____ ding hi.*

Phawk Ding: Zeisu in lawptak-a hih leitungah hong pai kik nading ahang in, A tate hong bawlkholhsak a minthang innpi ah hong la ding ahi hi. Dahna, kahna, natna, satna, sihna te atawntungin om nawnlo ding hi. Tua lai-ah lungdamna leh kilemna atawntungin om ding hi.

Nang Dawnna

Zeisu meii tungtuangin asawtlo-in hong pai ta ding hi.

Amah tawh kimu dingin tu-in na kiging nai hiam?

DAWNNA: _____

Hilhcianna:

Hih anuai-a te in telbeh nadingin hong huh ding hi.

Kiguksimna (Rapture) Thu

Kiguksimna cih upna in bulphuh nam 8 nei a, tua te sittel lopi-in mi tampi takin kiguksimna up baihsa-in san baihsa mahmah uh hi. Bangbang ahi zongin eite kikep nadingin amuanhuai penpen Laisiangtho nisim sim den dinga, hih thu maan maw maanlo cih sittel ding ahi hi (Sawltaakte 17:11). Tua bulphuh nam 8 te in anuai-a bang hi.

1. Kigusim cih in, kuama theihloh kaal, cihna hi-a a simtham hi.
2. Kiguksimna in kimu theilo hi.
3. Kiguksimna ah migilote kihing nusiati hi.
4. Pasion in misiangthote gimna thuaksak lo dingin lakhia in kem hi.
5. Zeisu hong pai nading nam nih te (1) Kiguksimna leh (2) Minthang taka hong pai nading ahi hi.
6. Hih kumkikna nam nih te kum 7 sung kihal ding hi.
7. Antichrist hong kilat ma-in kilaksimna khat om dinga, tua khitciangin gimna hong om ding hi.
8. Migilote in kikhel-in Zeisu a up nop uh leh hunkhat (second chance) nei lai uh hi.

Hihteng khempeuh dawn nadingin hihlai ah kicinglo kha ding hi. Ahih hangin atomcik iin dawng lehang, 1 na leh 2 na pen hih lesson in zong dawng khin hi. Pawlkhat lamdang asa dingin na kiging in!

1. Kilasim, guksim cih pen simtham hetlo-in nak ginngaih mahmah hi. Laisiangtho in Zeisu hong pai kik na pen AWNG DING, VANTUNGMI MANGPA KIKONA LEH PASIAN PENGKUL TUMNA TAWH ci hi. 1 Thessalonians 4:16. David in zong gen in, ih Pasion hong pai dinga, dai omlo ding hi... Ama mai-ah mei husia om a, akimkot ah huihpi om hi (Late 50:3). Jeremiah in agenna ah, Topa asangna mun pan hong hawk dinga,... nasia takin hong hawk ding hi... hong awng ding hi... gamlum pha mahmah ding hi Jeremiah 25:30, 31. Dai ding hihet lo hi! Zeisu hong pai leitung khempeuh in thei ding hi. Limtakin ciamteh in, Zeisu hong kum laitakin na om leh, hong pai lam thei ding hiteh, na bil in za hamtang ding hi.

2. Rapture pen kimulo ding hilo hi. Mi khempeuh in mu ding hi.

Vantungmite khempeuh tawh hong paisuk ding hi (Matthew 25:31) Zeisu han pan hong thawhtoh nadingin vantungmi khatbek hong pai lai-in Roman galkap 100 te lau lua-in misi bang uh hi (Matthew 28:2-4). Vantungmi khempeuh bangzahta iin ataang ding hiam ngaihsut in. Zeisu vangliatna, vantungmi khempeuh vangliatna tawh kigawm khawm lai ding hi (Matthew 25:31) A Pa vangliatna kihel lai ding hi (Matthew 16:27). Zeisu in agen behlai na ah, khuaphialep in nisuahna lam pan phia-a, nitumna lam dongin atan' mah bangin, Mihing Tapa hong kum ciangin apiang ding hi (Matthew 24:27). A simtham hiam? "En in meii tawh hong pai-a mittang khempeuh in amah mu ding hi" Mangmuhna 1:7. Zeisu hong kum laitak na nuntaak lai nakleh na mit tawh na mu ding hi.

3. Rapture ah migilote ahingin kinusia lo hi. Amaute Topa hong pai na in kanglum khin uh hi (Isaiah 11:4; Malachi 4:1; 2 Thessalonians 2:8).

4. Pasion in misiangthote gimna panin lakhia lo hi, ahih hangin lauhuaina panin dal bek hi (Late 91:5-12).

5. Zeisu hong pai kik ciangin nam nih omlo ding, pawlkhat kimu, pawlkhat kimu lo cih bang hilo hi. Khat vei bek Zeisu hong pai kik dinga, leitunga teng mi khempeuh in mu ding uh hi. Tua simloh khat simtham ding, khat kilangtang ding cihbang Laisiangtho sungah omlo hi.

6. Rapture gen te in Zeisu hong pai ding nam nih kikal ah kum 7 kihal ding ci uha, tua bang Laisiangtho sungah mun khat beek ah omlo hi.

7. Zeisu hong pai khit kum thum leh alang ciangin Antichrist hong kidawk ding hilo hi. Kum za tampi gamtang khin a (1 John 4:3) tu nangawn iin a gitloh nasep mah sem hi.

8. Zeisu hong pai kik ciang migilote ading hunhoih om kik nawnlo ding hi. Mawhnei te khempeuh avekpi un Zeisu hong pai ciangin si ma-ang ding uh hi. Zeisu hong pai kik khitciangin akipuahpha thei lai mi khat beek om nawnlo ding hi.